

**RJEŠENJE**  
**O IMENOVANJU KOMISIJE ZA KONCESIJE U**  
**POSTUPKU DODJELE KONCESIJE ZA ISTRAŽIVANJE**  
**I EKSPLOATACIJU MINERALNE SIROVINE**  
**DOLOMITA NA LOKALITETU "ZOBOV DOL",**  
**RAKOVICA, OPĆINA ILIDŽA**

**I**

Imenuje se Komisija za koncesije u postupku dodjele koncesije za istraživanje i eksploataciju mineralne sirovine dolomita na lokalitetu "Zobov dol", Rakovica, općina Ilidža (u daljnjem tekstu: Komisija za koncesije), u sastavu:

1. Sidik Salkić, dipl. inž. rud., Ministarstvo privrede Kantona Sarajevo, predsjednik;
2. Dr. Ekrem Bektašević, dipl. inž. rud., PPG d.o.o. Sarajevo, član;
3. Reuf Kadrić, dipl. inž. rud., Javno preduzeće Autoceste FBiH d.o.o. Mostar, član;
4. Edin Bihorac, dipl. ecc, Ministarstvo finansija Kantona Sarajevo, član i
5. Hadžiahmetović Ajla, dipl. pravnik, Općina Ilidža, članica.

Za sekretara Komisije za koncesije imenuje se mr. iur. Jasmin Česir iz Ministarstva privrede Kantona Sarajevo.

**II**

Zadaci Komisije za koncesije su da:

- a) ocijeni kompletnost zahtjeva (samoinicijativne ponude), dostavljene od privrednog društva "PLASTHEM" d.o.o. Sarajevo, za dodjelu koncesije iz tačke I ovog rješenja,
- b) procijeni, u skladu sa članom 20. Zakona o koncesijama, da li postoji javni interes za dodjelu koncesije iz tačke I ovog rješenja,
- c) dostavi prijedlog Odluke u vezi postojanja/nepostojanja javnog interesa za dodjelu koncesije iz tačke I ovog rješenja, Vladi Kantona Sarajevo, putem Ministarstva privrede Kantona Sarajevo i
- d) dostavi Izvještaj o radu Komisije za koncesije sa zapisnicima sa sastanaka Komisije za koncesije, Vladi Kantona Sarajevo, putem Ministarstva privrede Kantona Sarajevo.

**III**

Rok za realizaciju zadataka Komisije za koncesije iz tačke II ovog rješenja je 30 dana od dana donošenja ovog rješenja.

**IV**

Sredstva za rad i obavljanje poslova iz djelokruga Komisije za koncesije osigurava privredno društvo "PLASTHEM" d.o.o. Sarajevo, koja sredstva je ovo privredno društvo obavezno uplatiti u Budžet Kantona Sarajevo po zahtjevu Ministarstva privrede Kantona Sarajevo.

**V**

Naknade za učešće u radu Komisije za koncesije utvrdit će Ministar privrede Kantona Sarajevo posebnim rješenjem u skladu sa Odlukom o jedinstvenim kriterijima za plaćanje komisija za dodjelu koncesija ("Službene novine Kantona Sarajevo", broj 2/13).

**VI**

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-36144-36/24  
12. jula 2024. godine  
Sarajevo

Po ovlaštenju premijera  
Ministar  
**Zlatko Mijatović, s. r.**

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 20. Zakona o koncesijama ("Službene novine Kantona Sarajevo", broj 27/11,15/13 i 1/22), a u skladu sa Odlukom o postojanju javnog interesa za dodjelu koncesije za izgradnju i korištenje postrojenja za pretvaranje energije sunca u električnu energiju - Solarne elektrane "HP Solar I", instalisane snage 120 kW, općina Hadžići, broj 02-04-34917-16/24 od 04.07.2024. godine, Vlada Kantona Sarajevo, na 32. sjednici održanoj 12.07.2024. godine, donijela je

**ZAKLJUČAK**

1. Daje se ovlaštenje Ministarstvu privrede Kantona Sarajevo za pregovore sa privrednim društvom "HODŽIĆ-PROMEX" d.o.o. Sarajevo u postupku dodjele koncesije za izgradnju i korištenje postrojenja za pretvaranje energije sunca u električnu energiju - Solarne elektrane "HP Solar I", instalisane snage 120 kW, općina Hadžići.
2. Rok za pregovore i izradu prijedloga Ugovora o koncesiji iz tačke 1. ovog zaključka je 15 dana od dana donošenja ovog zaključka.
3. Zadužuje se Ministarstvo privrede Kantona Sarajevo da Vladi Kantona Sarajevo dostavi prijedlog Ugovora o koncesiji i izvještaj o provedenom postupku iz tačke 1. ovog zaključka.
4. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-36144-37/24  
12. jula 2024. godine  
Sarajevo

Po ovlaštenju premijera  
Ministar  
**Zlatko Mijatović, s. r.**

**Mirovno vijeće, Vlada Kantona Sarajevo i Samostalni sindikat osnovnog obrazovanja i odgoja FBiH – Kantonalni odbor SSOiO Kantona Sarajevo**

Na osnovu člana 17. stav (1) Zakona o mirnom rješavanju radnih sporova ("Službene novine Kantona Sarajevo", broj 49/21) u postupku mirenja između Vlade Kantona Sarajevo i Samostalnog sindikata osnovnog obrazovanja i odgoja FBiH - Kantonalni odbor SSOiO Kantona Sarajevo, a povodom kolektivnog radnog spora nastalog u vezi donošenja Odluke o pedagoškim standardima i normativima za osnovni odgoj i obrazovanje i normative školskog prostora, opreme, nastavnih sredstava i učila za osnovnu školu ("Službene novine Kantona Sarajevo", br. 10/24), Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", br. 24/22, 40/22 i 7/24), a nakon provedenog postupka mirenja po:

MIRITELJICI: Berina Letić Terović,

STRANE U KOLEKTIVNOM SPORU:

Samostalni sindikat osnovnog obrazovanja i odgoja FBiH - Kantonalni odbor SSOiO Kantona Sarajevo, zastupanog po predsjedniku Sindikata Saudinu Sivri

i  
Vlada Kantona Sarajevo, zastupana po premijeru, Nihadu Uku

Postupak mirenja okončavaju i zaključuju sljedeći

**SPORAZUM**

Član 1.

Strane u kolektivnom sporu saglasno utvrđuju da ovim Sporazumom rješavaju kolektivni radni spor nastao u vezi donošenja i primjene Odluke o pedagoškim standardima i normativima za osnovni odgoj i obrazovanje i normative školskog

prostora, opreme, nastavnih sredstava i učila za osnovnu školu ("Službene novine Kantona Sarajevo", br. 10/24).

**Član 2.**

Strane u kolektivnom sporu su saglasne da će spor iz člana 1. ovog Sporazuma riješiti na način kako slijedi:

- a) Javne ustanove Osnovne škole na području Kantona Sarajevo će prelazne i završne odredbe sadržane u Pravilnicima o radu sa unutrašnjom organizacijom i sistematizacijom radnih mjesta izmijeniti tako da glase:  
"Ovaj Pravilnik stupa na snagu danom donošenja, a primjenjuje se od 01.09.2024. godine."
- b) Radnicima koji su u osnovnim školama na području Kantona Sarajevo zaposleni na određeno vrijeme i koji su na dan 17.05.2024. godine zatečeni u radnom odnosu, ponuditi će se novi ugovor o radu na određeno vrijeme pod istim uslovima u skladu sa pravilnikom o radu ustanove osim u slučajevima kada Ministarstvo za odgoj i obrazovanje Kantona Sarajevo po zahtjevu škole da saglasnost da se takav ugovor ne zaključi. Ugovori na određeno vrijeme iz prethodnog stava trajat će od 01.09.2024. godine do posljednjeg dana zimskog raspusta koji se utvrđuje nastavnim kalendarom.
- c) Javni konkursi za prijem radnika u radni odnos provodit će se nakon 01.09.2024. godine, u skladu sa iskazanim potrebama nastalim primjenom Pedagoških standarda i normativa za osnovni odgoj i obrazovanje i normative školskog prostora, opreme, nastavnih sredstava i učila za osnovnu školu ("Službene novine Kantona Sarajevo", br. 10/24) i pribavljenim saglasnostima za provođenjem konkursa od strane Ministarstva za odgoj i obrazovanje Kantona Sarajevo. Radnici izabrani putem ovih javnih konkursa zaključuju ugovore o radu i počinju sa radom od prvog nastavnog dana drugog polugodišta školske 2024/2025. godine. Javni konkursi za radnike stručnih službi škola se mogu provoditi i prije 01.09.2024. godine.
- d) Radnici, zatečeni na poslovima radnih mjesta "domar" i "ložač" i "domar/ložač/dnevni čuvar" u skladu sa Pedagoškim standardima i normativima za osnovnu školu ("Službene novine Kantona Sarajevo", broj 30/18, 9/22, 20/22 i 23/23) ispunjavanju uslove za obavljanje poslova radnog mjesta "Radnik za servisno-tehničku podršku" iz dijela 13.2., radnog mjesta "Radnik za servisno-tehničku podršku i sigurnost" iz dijela 13.3. i radnog mjesta "Radnik za logističku podršku i higijenu" iz dijela 13.6. Pedagoških standarda i normativa za osnovni odgoj i obrazovanje i normative školskog prostora, opreme, nastavnih sredstava i učila za osnovnu školu ("Službene novine Kantona Sarajevo", br. 10/24 i 21/24 - Ispravka). Tehnička greška u dijelu 13.2., u dijelu 13.3. i u u dijelu 13.6., koja se odnosi na radnike zatečene u radnom odnosu na neodređeno vrijeme na poslovima radnih mjesta "domar" i "ložač" i "domar/ložač/dnevni čuvar", bit će ispravljena u narednom periodu.
- e) Ministarstvo za odgoj i obrazovanje Kantona Sarajevo će omogućiti učešće Sindikata u donošenju i utvrđivanju izmjena i dopuna Pedagoških standarda i normativa za osnovni odgoj i obrazovanje i normative školskog prostora, opreme, nastavnih sredstava i učila za osnovnu školu ("Službene novine Kantona Sarajevo", br. 10/24) u skladu sa članom 12.

Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", br. 24/22, 40/22 i 7/24).

**Član 3.**

Strane u kolektivnom sporu su saglasne da će obaveze iz člana 2. ovog Sporazuma uvažiti i izvršiti na način i u rokovima preciziranim navedenim članom.

**Član 4.**

Ovaj Sporazum ima snagu izvršne isprave i obavezujući je za obje strane u kolektivnom sporu, u skladu sa članom 17. stav (1) Zakona o mirnom rješavanju radnih sporova ("Službene novine Federacije BiH", broj 49/21).

Između strana u kolektivnom sporu zaključen je Kolektivni ugovor za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", br. 24/22, 40/22 i 7/24), te ovaj Sporazum zaključen u postupku mirenja postaje sastavnim dijelom ovog Kolektivnog ugovora temeljem člana 17. stav (3) Zakona o mirnom rješavanju radnih sporova ("Službene novine Federacije BiH", broj 49/21).

**Član 5.**

Ovaj Sporazum stupa na snagu danom potpisivanja obje strane u kolektivnom radnom sporu, a primjenjuje se od dana objave u "Službenim novinama Kantona Sarajevo."

Vlada Kantona Sarajevo će ovaj Sporazum objaviti u "Službenim novinama Kantona Sarajevo" u prvom narednom broju od dana potpisivanja ovog Sporazuma, u suprotnom smatrat će se da ovaj Sporazum nije zaključen.

**Član 6.**

Svaka strana u kolektivnom radnom sporu snosi svoje troškove nastale u postupku mirenja, u skladu sa članom 5. Zakona o mirnom rješavanju radnih sporova ("Službene novine Federacije BiH", broj 49/21).

**Član 7.**

Strane u postupku mirenja saglasne su da ovaj Sporazum predstavlja njihovu pravu volju, te ga potpisuju u znak prihvatanja prava i obaveza iz istog.

Izvršenjem ovog Sporazuma, smatrat će se da strane u kolektivnom radnom sporu nemaju nikakvih daljnjih potraživanja, koja bi proizašla iz spora riješenog ovim Sporazumom.

**Član 8.**

Ovaj Sporazum je sklopljen u 8 (osam) istovjetnih primjeraka, od kojih svaka strana u kolektivnom sporu zadržava po 2 (dva) primjerka, Ministarstvo za rad, socijalnu politiku, raseljena lica i izbjeglice Kantona Sarajevo 2 (dva) primjerka, te miriteljica 2 (dva) primjerka.

Predstavnik  
Vlade Kantona Sarajevo  
**Nihad Uk**, s. r.  
Predstavnik Sindikata  
**Saudin Sivro**, s. r.  
Mirovno vijeće  
**Berina Letić Terović**, s. r.  
**Saudin Sivro**, s. r.  
**Naida Hota Muminović**, s. r.

Broj 13-30-21296/24  
31. maja 2024. godine  
Sarajevo

**Ministarstvo privrede Kantona Sarajevo**

Na osnovu člana 70. stav (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), tačke 1. Zaključka Vlade Kantona Sarajevo, broj 02-04-43961-47.1/22 od 27.10.2022. godine, ministar Ministarstva privrede Kantona Sarajevo donosi